



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXCVII. Confirmatio Decreti de prohibitione eujusdam libri Italico idiomate
impressi.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Confirmatio
relati Chiro-
graphi.

Camillo Patriarchæ, & Præfecto rem gratam facere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, censuris, & penis a Jure vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, Motu proprio, non ad ipsius Camilli Patriarchæ, & Præfecti, vel cujuscumque alterius pro eo Nobis super hoc oblatae petitionis instantiam, sed ex certa scientia, & matura deliberatione nostris, deque Apostolica potestatis plenitudine, præsertim Chirographum, omniaque, & singula in eo contenta, & in executionem Chirographi hujusmodi facta, & gesta, ac inde secuta, & secutura quæcumque, tenore præsentium perpetuo confirmamus, & approbamus, illisque perpetuæ, ac inviolabilis, & irrefragabilis Apostolicæ firmitatis robor, efficaciam, & validitatem adjungimus, ac omnes, & singulos tam Juris, quam facti, & solemnitatium quarumcumque, quantumvis formalium & substantialium, & de Jure, Statuto, Stylo, seu consuetudine, sive ex Constitutionum, & Ordinationum Apostolicarum, etiam Consistorialium præscripto, & alias quovis modo etiam de necessitate in similibus observandam, & requisitam, & alios quoscumque etiam inexcogitatos, & inexcogitabiles defectus, si qui in præmissis quomodocumque, & qualitercumque intervenerint, aut intervenisse dici, censerent, intelligi, vel prætendi unquam possent, plenissime supplemus, & sanamus, ac penitus, & omnino totimus, removemus, & abolemus.

Declaratio
nes quædam.

§. 5. Præterea attenta connexionione, & dependentia, quas Governium dictæ Terræ habet cum Præfectura ejusdem Palatii Apostolici, ne aliqua progressu temporis dubitandi oriatur occasio, præfatam plenariam, ac privativam, & a quocumque Tribunali independentem Jurisdictionem in Causis, & negotiis Civilibus, & Criminalibus dictæ Terræ eidem Camillo Patriarchæ moderno, seu pro tempore existenti Præfecto Palatii Apostolici, sicut præmittitur, competentem, ejusdem plane naturæ, extensionis, & qualitatis esse, & censerent debere, ac illam, quam ipsi Præfecto Palatii Apostolici quoad Causas familiarium Nostrorum, seu Romani Pontificis hujusmodi per alias Nostras desuper in simili forma Brevis die 24. Mensis Septembris proxime præteriti expeditas literas, quarum tenorem præsentibus pro plene, & sufficienter expresso, ac de verbo ad verbum inserto haberi volumus, prout etiam ad Causas mixtas, dictæque Terræ Comitatum, & districtum extendi, ac illas, & illos comprehendere harum serie statuimus, & declaramus.

Facultates
nonnullæ.

§. 6. Porro eundem Camillum Patriarcham modernum, ac pro tempore existentem dicti Palatii Apostolici Præfectum, urpote Nostris, seu Romani Pontificis prædicti obsequiis continuo addictum, in præfata Terra Castri Gandulsi ejusve Comitatu, & districtu residere non posse, attendentes, quo præmissa plenius, faciliusque suum sortiantur effectum, eidem Camillo Patriarchæ Moderno, & pro tempore existenti Præfecto hujusmodi, ut etiam in Alma Urbe, & Romana Curia omnimodam jurisdictionem præferam in negotiis, & Causis Civilibus, & Criminalibus, ac mixtis, quæ ad illum in Terra, Comitatu, & Districtu prædictis, ut præfertur, spectat, per se ipsum, seu Auditorem, aut Locumtenentem suum in omnibus, & per omnia ac in quavis instantia, etiam restitutionis in integrum, & recursum, perinde ac si in ejusmodi Terra, Comitatu, & Districtu personaliter resideret, & inibi Causas præfatas cognosceret, & terminaret, seu cognosci, & ter-

minari faceret, exercere libere, & licite possit, & valeat, & quibusvis Judicibus quacumque auctoritate, dignitate, & præminetia Ecclesiastica, vel Sæculari etiam in ipsa Curia præfulgentibus inhibendi, ne in causis, quæ ad suam omnimodam Jurisdictionem hujusmodi pertineant, se intromittant, sed illas ad se, seu Auditorem, vel Locumtenentem suum, ut præfertur, remittant, omniaque, & singula in præmissis, & circa ea necessaria, & quomodolibet opportuna faciendi, dicendi, gerendi, & exequendi, plenam, & liberam facultatem, & licentiam Motu, scientia, & potestatis plenitudine paribus harum serie concedimus, & impartimur, ita tamen quod propterea non liceat præfatis Camillo Patriarchæ Moderno, & pro tempore existenti Præfecto, seu Auditori, vel Locumtenenti suo ratione gubernii prædicti carcerari facere in eadem Urbe aliquem etiam ex Terra, Comitatu, & Districtu, neque aliquam executionem personalem, realem, vel mixtam extra Terram, Comitatum, & Districtum prædictum facere.

Clauſula.

§. 7. Decernentes ipsas præsentis Literas de subreptionis, vel obreptionis vitio, aut intentionis Nostræ, vel quocumque alio defectu, seu nullitate impugnari non posse, sed semper validas, & efficaces fore, & esse; Sicque in præmissis omnibus, & singulis per quoscumque Judices Ordinarios, & Delegatos etiam Causarum Palatii Apostolici Auditores, & ejusdem S. R. E. Cardinalem, etiam Camerarium, necnon Camerae Apostolicæ præfidentes Clericos, & quosvis alios quavis auctoritate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter vel ignoranter contigerit attentari.

Derogatio-
nis.

§. 8. Non obstantibus præmissis, ac Regula Nostra de Jure quæsito non tollendo, necnon felic. rec. Pii Papæ IV. Prædecessoris Nostris de gratiis qualescumque interesse Camerae Apostolicæ prædictæ concernentibus in eadem Camera intra certum tunc expressum tempus præsentandis, & registrandis, itaut præsentis Literas ibidem præsentari, & registrari nunquam necesse sit, & quibusvis aliis Constitutionibus, & Ordinationibus Apostolicis, ac stylo, & usu Urbis, & Curia hujusmodi, & tam ejusdem Urbis, quam Terræ, Comitatus, & Districtus præfatorum etiam Juramento, confirmatione Apostolica, vel quavis firmitate alia roboratis Statutis, eorumque reformationibus, & novis additionibus, & consuetudinibus; Privilegiis quoque, Indultis, & Literis Apostolicis quibusvis personis, & Judicibus sub quavis forma concessis, confirmatis, & innovatis. Quibus omnibus, & singulis, illorum, & quorumcumque aliorum hic forsitan exprimendorum, & inferendorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XX. Decembris MDCCXXVIII. Pontificatus Nostris Anno V.

Confirmatur Decretum, de prohibitione Libri, cui Titulus, *Istoria delle Guerre di Europa del Marchese Francesco Maria Ortieri.*

CXCVII.

Const. ed. 1728. Jun. 15. P. 5. damnati sære alii duo Libri Gallico idiomate scripti, & Const. ed. 1729. Oct. 8. P. 5. annullantur quedam folia eo-

dem idiomate exarata contra recitationem Officii S. Greg. VII.

Dat. 17. Janu. 1729. An. 5.

DECRETUM

Sacrae Congregationis Eminentissimorum, & Reverendissimorum DD. S. R. E. Cardinalium a Sanctissimo D. N. BENEDICTO PAPA XIII., Sanctaque Sede Apostolica ad Indicem Librorum, eorumdemque prohibitionem, expurgationem, & permissionem in universa Republica Christiana specialiter deputatorum ubique publicandum.

Decretum praedictum Sacrae Congregationis Indicis, quo praedictus Liber prohibitus fuit.

§. 1. SACRAE Indicis Congregationis Decreto damnatus, & prohibitus fuit ubique, & quocunque Idiomate impressus, imprimendus Liber cui titulus: Historia delle Guerre avvenute in Europa, e particolarmente in Italia per la successione alla Monarchia delle Spagne dall' anno 1696. all' anno 1725. scritta dal Conte, e Marchese Francesco Maria Ottieri Accademico della Crusca, Roma MDCCXXVIII. tanquam continens expressiones offensivas, & injurias Principibus, necnon aliquibus Nationibus, atque Viris Sanguine, Dignitate, ac Principum Ministeriis conspicuis, & narrationes rerum minime subsistentium. Nemo itaque quocunque gradus, & conditionis praedictum Librum in posterum, vel imprimat, vel legat, vel retineat. Si quis interim habuerit, Inquisitoribus, seu Locorum Ordinariis a praesentis Decreti notitia tradat sub poenis in Indice Librorum prohibitorum contentis.

Approbatio relati Decreti.

§. 2. Quibus per me infra scriptum Secretarium Sanctissimo D. N. BENEDICTO XIII. relatis, Sanctitas Sua Decretum Sacrae Congregationis approbavit, & executioni mandari iussit. In quorum fidem manu, & sigillo Eminentissimi, & Reverendissimi D. Cardinalis De Via supradictae Sacrae Congregationis Praefecti praesens Decretum signatum, & munitum.

Roma in Palatio Apostolico Vaticano die XVII. Januarii MDCCXXXIX.

CXCVIII.

Conceditur Indulgentia Plenaria visitantibus die 11. Februarii aliquam ex Ecclesiis Fratrum Ordinis Servorum B. M. V. ubicunque existent.

Alia Indulgentia iisdem Ecclesiis concessa fuerunt a Clem. XI. Const. ed. 1704. Jun. 11. P. 4. pro tertia Dominica Septembris.

Dat. 19. Janu. 1729. An. 5.

BENEDICTUS PAPA XIII.

Universis Christianis Fidelibus praesentes Literas inspecturis salutem, & Apostolicam Benedictionem.

Concessio praefatae Indulgentiae plenariae ad septennium tantum.

§. 1. AD augen. Fidelium Religionem, & Animarum salutem Coelestibus Ecclesiae thesauris pia charitate intenti, omnibus, & singulis utriusque sexus Christianis vere poenitentibus, & confessis, ac Sac. Communionem refectis, qui aliquam ex Ecclesiis Fratrum Ordinis Servorum Beatae Mariae Virginis ubicunque existent. die undecima mensis Februarii a primis Vesperis usque ad occasum Solis diei huiusmodi singulis annis devote visitaverint, & ibi pro Christianorum Principum concordia, haeresum extirpatione, ac Sanctae Matris Ecclesiae exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Praesentibus ad septennium tantum valituris.

§. 2. Volumus autem, ut si pro impetratione, praesentatione, admissione, seu publicatione praesentium aliquid, vel minimum detur,

aut sponte oblatum recipiatur, praesentes nullae sint, utque praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem profusus fides adhibeatur, quae adhiberetur ipsis praesentibus si forent exhibitae, vel ostensa.

Datum Romae apud S. Petrum sub Anno Piscatoris die XIX. Januarii MDCCXXXIX, Pontificatus Nostri Anno Quinto.

Confirmantur Privilegia omnia Sacro Ordini Cisterciensis adhuc concessa.

Similis confirmatio facta fuit a Sixto V. Const. ed. 1586. Maji 17. P. 2. qua hic inseritur, & confirmatur.

BENEDICTUS PAPA XIII.

Ad perpetuam rei memoriam.

IN Apostolicae Dignitatis fastigio per ineffabilem Divinae bonitatis abundantiam, nullo licet meritorum nostrorum suffragio constituti, Privilegia, gratias, & Indulta Religiosis Ordinibus, quos tanquam fertilia Agri Dominici cultorum plantaria Sapiens Romanorum Pontificum Praedecessorum nostrorum Pietas instituit, ac sinceram Apostolicam dilectionis prosequimur affectu, provide concessa, ut firma semper, & illibata persistant, Apostolici muniminis nostri praesidio libenter roboramus.

§. 1. Nuper siquidem pro parte dilecti filii Andochii Pernot Abbatis Generalis totius Ordinis Cisterciensis Nobis expositum fuit, quod idem Sacer, & inclytus Ordo a S. Roberto primo illius Abbate fundatus, & abinde mirifice propagatus, atque a D. Bernardo Ecclesiae Doctorè Mellisso illustratus, ita Alumnorum suorum Sanctimonia praesulit, omnigenae virtutis floribus vernavit, ac uberrimis redundavit fructibus, ut illius Odor, sicut agri pleni suavitatis, cui Dominus benedixit, totam repleverit Ecclesiam, & veluti fons Hortorum irriguus, ceteros Religiosos Ordines fecundaverit, unde Deo, & hominibus acceptus multis Privilegiis, & Indultis nedum a Romanis Pontificibus Praedecessoribus nostris, verum etiam ab Imperatoribus, Regibusque, & aliis sublimibus Principalibus, quo Ordo praedictus, illiusque Monachi liberius divinis Officiis vacare, & adversus quoscunque ausus, ac noxios incurfus sese tueri possent, muniti, ac donari promeruerit, quae novissime a fel. rec. Sixto Papa V. Praedecessore nostro confirmata, ac innovata fuerunt per quosdam suas desuper in simili forma Brevis die 17. Maji 1586. expeditas literas tenoris, qui sequitur, videlicet.

§. 2. Sixtus Papa V. Ad perpetuam rei memoriam. Pontifex Romanus primarias Christi Dei, & Domini Nostri in terris gerens vices, sicut totius Dominici gregis pascendi curam, & onus sustinere dignoscitur, ita in eos quos gravis laborare, & suo praecipuo auxilio indigere perspexerint, propensius, & favorabilius incumbere debet; cum primis vero Religiosorum Monachorum, qui mundanis abjectis illecebris in Spiritu humilitatis Altissimo famulantur, paternam curam gerere, nutantemque illorum statum (quantum ex alto conceditur) celeri, ac salubri munimine fulcire. Sane sicut pro parte dilecti Filii Edmundi a Cruce Abbatis Monasterii Cistercii Cabilonensis Dioecesis totius Ordinis Cisterciensis Generalis, necnon dicti Ordinis Capituli Generalis Nobis fuit expositum, quod Cistercium Monachorum Ordo a Divo Roberto institutus, & a Divo Bernardo illustratus, ceterisque coram Successoribus propagatus,

Fides habenda transumptis.

CXCIX.

Dat. 27. Janu. 1729. An. 5.

Exordium.

Ordo Cisterciensis pluribus privilegiis tum a Romanis Pontificibus tum ab aliis Principibus ornatus existit.

Constitutio Sixti V. qua privilegia praedicta confirmata, & innovata fuerit.